

Swartland Skaak Akademie

Notule van Kwartaal 2 Vergadering

Datum: 1 Junie 2026

Begin Tyd: 18:00

Plek: Swartland Bybel Gemeente

1. Verwelkoming & Inleiding

- **Opening:** Die vergadering het amptelik om 18:10 begin. Johannes Erasmus het almal teenwoordig hartlik verwelkom.
- **Doel van Vergadering:** Johannes het verduidelik dat die hoofrede vir die vergadering die onlangse, vinnige groei in ledetal is vandat die klub begin het. Dit was nodig om almal bymekaar te kry en op datum te bring met alles wat tans in die klub aangaan.

2. Lede & Demografie

- Daar is tans ongeveer **35 lede** betrokke by die akademie.
- Die groep is min of meer gelykop verdeel tussen **Junior lede** en **Gewone lede**, tesame met **2 Senior lede**.

3. Die Uitvoerende Komitee (EXCO) & Vrywilligers

- Die struktuur van die komitee is verduidelik:
 - **President:** Johannes Erasmus
 - **Sekretaris:** Elke Fuhri
 - **Tesourier:** Hendrik Spies
 - **Ledekoördineerder / Verwelkomingskomitee:** Gerbrand Bezuidenhout
- **Betrokkenheid:** Daar is 'n beroep op lede gedoen om betrokke te raak. Persone wat belangstel in vakante poste of wil help, is aangemoedig om hul name op die beskikbare vorm in te vul.

4. Finansies, Toerusting & Logistiek

- **Finansies:** Daar is tans ongeveer R3 000 in die klub se bankrekening, danksy ledegeld wat getrou betaal is.
- **Toerusting:** Daar is gemeld dat die klub se toerusting deur lede aangekoop/verskaf is.
- **Bymekaarkomplek:** Alhoewel die Bybel Gemeente nie vergoeding vra nie, het Gerbrand ruimhartig aangebied om R500 per maand vir elektrisiteit te betaal as persoonlike borg as sy bydrae om die klub te help groei. Die visie is om 'n veilige, vriendelike en konstruktiewe spasie te skep, veral vir juniors maar ook vir volwassenes, om 'n gesonde sosiale aktiwiteit te geniet.
- **Affiliasie:** Die klub is in die proses om met die Weskus Skaakunie (WCU) te affilieer teen 'n koste van ongeveer R1 000 per jaar. Dit sal die klub in staat stel om aan amptelike toernooie en ligas deel te neem.
- **Merch:** Die reëlins vir die komende Ope (toernooi) verloop baie goed. Daar is ook genoem dat daar tans beplan word aan klub-handelsware (merchandise) wat lede sal kan aankoop.

5. Opleiding

- Johannes het die leer- en opleidingsaspek bespreek. Alhoewel die klub grootliks vir sosiale interaksie is, is die doel ook om almal se skaak te verbeter.

- Daar is elektroniese opleidingsmateriaal aan die klub beskikbaar. Indien enige lede fisiese, gedrukte materiaal verkies, kan dit gereël word.
- Lede is ook herinner dat Johannes privaat lesse aanbied vir dié wat ekstra wil oefen.

6. Bemarking & Kommunikasie

- **Sosiale Uitreike:** Daar was 'n goeie bespreking oor toekomstige geleenthede om uit te reik na ander sosiale organisasies in die gemeenskap en dae te reël waar ander klubs kan kom saamspeel.
- **Sosiale Media & Atmosfeer:** Elke het terugvoer gegee oor wat sy tans met die Facebook- en Instagram-blaaie doen en almal gevra om dit te deel en te "like". Sy het ook spesifiek versoek dat ons dit duidelik aan mense buite die klub oordra dat die klub oop is vir almal. Dit is 'n ontspanne en sosiale omgewing, en nie bloot 'n streng, mededingende klub nie.

7. Komende Toernooie & Afsluiting

- **Swartland Ope:** Johannes het die prosedure vir inskrywings verduidelik, asook hoe om dit te bemark en wat om op die dag van die toernooi te verwag. Hy het 'n beroep op lede gedoen om betrokke te raak by die reëlings en om te help om borge te kry. Lede is ook gevra om mondelinge reklame te doen sodat mense so vinnig as moontlik registreer.
- **Weskus Ope:** Daar is genoem dat die klub ook die Weskus Ope by Laerskool Swartland sal aanbied. Enigeen wat belangstel om te help met die reëlings van die Weskus Ope, word sterk aangeraai om eers by die organisering van die Swartland Ope betrokke te raak as 'n goeie leerskool en voorbereiding.
- **Algemeen & Afsluiting:** Daar was geen verdere spesifieke nuwe punte nie, slegs 'n paar algemene vrae rondom bogenoemde sake wat beantwoord is. Na afloop van hierdie besprekings is almal bedank vir hul bydraes en is die vergadering amptelik verdaag.